

Ukanikorongi u Kagita u Yahaya

Ukukpa u kadyanshi

Yahaya korongu ta ikanikorongi i kenu i kenu i tatsu ubana a asu ama kau-kau. U na vi; wata, u kagita, u isa ta aza a uyan kaneshi vi mmuku n ne. Cinda Yahaya kasuki ka kpm makoshi ma Atoni a a'ayin a nala yi, nala wenike ta an ukanikorongi vi u Atoni u da gba.

A ukanikorongi u na vi, Yahaya yan ta kadyanshi ka tyoku da uza wa rongo evu n Kashila. U yan ta ka tyoku da uza wa rongo evu n Kashila ki icun ku re. Ure u kagita u da uza u rongo a katyashi ka Kashila. Ure u ire kpm u da uza u rongo a uciga u Kashila.

Tagarada u na u yan ta kadyanshi ka urongo a katyashi ka Kashila u da uza u rongo tyoku da Kashila ka ciga. Adama a nala ili i'a kpm la i'ya ya rongo usokongi a asu u ama n Kashila kpm wa. Tagarada vi u yan ta kpm kadyanshi ka uza u rongo a uciga u Kashila u da uza u cigi atoku pini na a likimba. A makorishi, u cibuga tsu ta an tsari n utsara u kaci u pige tsa baci kabolo n Kawauwi.

Ili i'ya i'ari a tagarada u na vi

Udani u da wa naka uma (1:1-4)

Kashila ka katyashi, Yesu kpm aya iryoci i tsunu (1:5-2:6)

Kazuwamgbani ka savu (2:7-17)

Atokulalu a Kawauwi na mmuku n Kashila (2:18-3:10)

Uciga u Kashilā n uciga u tsunu (3:11–4:21)
 Utsarā u kaci n likimba (5:1-21)

Akani a uma

¹ Uza da tun caupa wari pini a kagita ki, aya uza da tsu panakai kpam tsu wenei. Tsu wene yi ta n a'eshi a tsunu, tsu sawa yi kpam n akere a tsunu. Aya Yesu Kirisiti Kawauwi Udani u uma. ² Uza da u tsu naka uma, u tuwa ta ara tsunu! Tsu wene yi ta, kpam tsa tonuko da ili i'ya tsu wenei vi. Gogo-na ukuna u uma u da bawu wa kotso u na u da wari n Tata vi kpam u tuwa tsu vi, u da tsa tonuko da. ³ I'ya tsu wenei kpam tsu panai i'ya tsa tonuko da, tsara eda dem i tsara urongo u kabolo n atsu u nala vi. Kabolo ka tsari n u da n Tata n Maku ma ne Yesu Kawauwi. ⁴ Koronku da tsa koronku da ili i na yi tsara i shadangu n mazanga kabolo n atsu.

Kashila katyashi ka

⁵ Udani u da tsu panai ara Yesu Kawauwi u da na, kpam u da tsa tonusuko da: Kashila ka katyashi, kpam wari n karimbi wa, ko kenu. ⁶ Tsu da baci tsa n uma kabolo n eyi, kpam tsu lyai kelime n urongo n uma u tsunu a asuvu a karimbi, aza a kaan a da tsari, tsa tono ukuna u mayun wa. ⁷ Shegai tsa rongo baci a asuvu a katyashi tyoku da Kashila ka rongo a katyashi, tsa rongo ta la vi kabolo n atoku. Kpam mpasa n Maku ma ne Yesu n wulukpe ta unyushi u cingi u tsunu.

⁸ Tsu da baci tsa n unyushi u cingi wa, kaci ka tsunu ka tsa yinsa, kpam ukuna u mayun wari a asuvu a tsunu wa. ⁹ Shegai tsu dana baci unyushi u cingi u tsunu, wa cimbusuka tsu ta. Kpaci Kashila ka tsu shadangu ta kazuwamgbani ka ne,

wa yan t̄a ili i'ya i'ari mai. Wa wulukpe tsu t̄a a asuvu a ukuna u cingi u d̄a tsu yain. ¹⁰Tsu da baci tsu yan unyushi u cingi wa, Kashil̄a ka tsa is̄a uza u kaḅan. Kpam tsa wenike kadyanshi ka ne a asuvu a atakasuvu a tsunu wa.

2

Yesu d̄a kab̄angi ka tsunu

¹Mmuku n v̄a aza d̄a ma ciga, koronku d̄a ma koronku d̄a ili i na yi tsar̄a i yain unyushi u cingi wa. Shegai i nusa baci, kain dem Yesu Kawauwi uza d̄a w̄ari uza u maci, wa folo t̄a Tata a un̄a u tsunu. ²Aya udar̄akpa u unyushi u cingi u tsunu. Unyushi u tsunu u d̄a gb̄am u bidyai koshi wa, shegai hal n unyushi u ama a likimba gb̄a.

³Nala tsa reve an gogo-na tsu revei Kashil̄a, tsa tonon baci udani u ne mai. ⁴Uza d̄a baci dem u danai, “N reve t̄a Kashil̄a,” shegai bawu wa tonon ili i'ya u danai, vuma nala uza u kaḅan d̄a. Kpam w̄a n ukuna u mayun a asuvu a ne wa. ⁵Shegai tsa yan baci ili i'ya Kashil̄a ka danai, kpam uciga u ne w̄ari ara tsunu tyoku d̄a u gain u woko, tsa reve t̄a an tsari ama a ne mayun. ⁶Tsu da baci ātsu ama a ne a d̄a, tsu rongo tyoku d̄a Yesu rongoi.

Kashil̄a ka da tsu cigi atoku a tsunu

⁷Aje a v̄a aza d̄a ma ciga, koronku d̄a ma koronku d̄a adama a d̄a ma n̄ak̄a d̄a mele ma savu wa. Ma gai a n̄ak̄a d̄a caupa vi ma, kpam i reve t̄a n udani vi. ⁸Shegai u savu u d̄a dem. Kawauwi ka wenike t̄a an mele mi mayun d̄a, ed̄a kpam dem i wenike t̄a an mayun d̄a. Kpaci karimbi ki k̄a t̄a a ucimba, katyashi ki kpam k̄ari a uwakana.

9 Uza u dana baci, “A katyashi ka ma rongo,” shegai wa kovo utoku u ne, vuma nala vi a karimbi ka wa rongo. 10 Uza da baci wa ciga atoku a ne, a katyashi ka wa rongo kpam wa tuko utadatsasa wa. 11 Tsa kovo baci atoku a tsunu, a karimbi ka tsa rongo kpam tsa wala pini. Tsu reve kpam a asu u da tsa bana wa, kpaci tsa wene ure n karimbi wa.

12 Koronku da ma koronku da, mmuku n va,
kpaci Kashila ka cimbusuka da de unyushi u
cingi u de adama a ili i'ya Yesu yain.

13 Koronku da ma koronku da, isheku,
kpaci i reve ta uza da wari pini tun a kagita.

Koronku da ma koronku da, alobo na nkere,
kpaci i lya ta kaci ka uza u cingi vi.

Koronku da ma koronku da, mmuku,
kpaci i reve ta Tata.

14 Koronku da ma koronku da, isheku,
kpaci i reve ta uza da wari pini tun a kagita.

Koronku da ma koronku da, alobo na nkere,
kpaci i'a ta n ucira.

Udani u Kashila wa ta ara de,
kpam i lya de kaci ka uza u cingi vi.

15 Kotsu i cigi likimba ko kpam ili i'ya i'ari pini a asuvu a ne wa. Ya ciga baci likimba, uciga u Tata wa la vi ara de wa. 16 Tsa rongo baci tyoku da likimba wa ciga, kain dem tsa rongo ta uciga tsu yain ili i'ya i'ari unyushi. Tsu cigi tsu tsara ili i'ya baci dem tsu wenei, tsu yain dem aradi a ili i'ya baci dem tsa yan kpam tsari n i'ya. Ko an u wokoi ili i nala yi unyushi u da. Gba ili i nala yi i Tata i'ya wa, shegai i likimba i'ya. 17 Likimba n gba ili i'ya i'ari pini ya wura ta, shegai uza da baci wa yan ili i'ya Kashila ka ciga, wa yan ta n uma hal ubana.

Utukulalu u Kirisiti Kawauwi

¹⁸ Mmuku n v̄a aza d̄a ma ciga, a'ayin a makorishi a d̄a. I pana t̄a a da utukulalu u Kawauwi w̄a t̄a a utuw̄a, gogo-na kpam atukulalu a Kawauwi a d̄a pini na ushani. Nala tsu yain tsu revei an a'ayin a makorishi d̄a na vi. ¹⁹ Ama a na yi a as̄ak̄a d̄e kuwa ku Atoni ku tsunu, kpaci a'ari a asuvu a tsunu mayun wa. A da baci mayun d̄a a'ari a asuvu a tsunu, a'ari a ka shamgba t̄a n̄ ātsu. An a as̄ak̄a tsu vi, u wenike t̄a an a'ari a asuvu a tsunu wa.

²⁰ I'ā t̄a n̄ kune ka Uza u Uwulukpi u nāk̄a d̄a, adama a nala gb̄a d̄e i reve t̄a ukuna u mayun.

²¹ U kan̄a mu she n̄ koronku d̄a a kaci ka ukuna u mayun vi wa, kpaci i reve t̄a n̄ u d̄a. I reve t̄a kpam an aza a kāban a'ari a asuvu a aza a mayun wa.

²² Ya uza u kāban? Uza d̄a baci dem u nanai Yesu Kawauwi, uza u kāban d̄a. Uza d̄a baci dem u danai nala, utukulalu u Kawauwi d̄a, kpam u 'yuwan t̄a Tata n̄ Maku mi dem. ²³ Uza d̄a baci dem u 'yuwain Maku mi, vuma u nala vi u 'yuwan t̄a dem Tata vi. Shegai tsu da baci tsu wushuku n̄ Maku mi, ts̄a t̄a dem n̄ Tata vi.

²⁴ Kotsu i māts̄a i wene i toni uwenishike u d̄a i ts̄ar̄ai a kagitā. I lya baci kelime n̄ utono u ili i'ya i panai a kagitā, ya rongo t̄a kābolo n̄ Maku mi kpam n̄ Tata vi. ²⁵ Ili i'ya kpam Kawauwi ka zuwamgbana i wa nāk̄a tsu i'ya na: uma u d̄a bawu wa kotso.

²⁶ Koronku d̄a ma koronku d̄a ts̄ar̄a n̄ rono d̄a atsvu a kaci ka ama a nala yi, aza d̄a a ka ciga a yins̄a d̄a vi. ²⁷ Shegai e d̄a, Kawauwi ka tsunku d̄a d̄e Kulu Keri ku ne. Kulu ku ne ka baci ara d̄e, she kpam uza u wenishike d̄a wa. Kpaci Kulu ku ne ka wenishike d̄a t̄a ko ndya wa, kpam ko

ndya baci ku wenishikei mayun ɗa, kaɓan ka wa. Tonoɪ uwenishike u Kulu vi, i rongo kɓam a asuvu a Kawauwi.

²⁸ Mayun mmuku n va, lyayi kelime n uwoko ili i te n Kawauwi, tsara u gono baci tsa pana uwonvo wa, kɓam tsa pana uwono a kapala ka ne wa. ²⁹ I reve ta an Kawauwi kari uza u maci, kotsu kɓam i reve uza ɗa baci dem wa yansa ili i'ya i'ari i maci, maku ma Kashila ma.

3

Atsu mmuku n Kashila n ɗa

¹ Tata wa ciga tsu wa wa, adama a nala a ɗa a ka isa tsu mmuku n Kashila. Kɓam mayun ɗa tsari mmuku n Kashila mi. Aza a likimba a reve Tata vi wa, ɗa gai dem i zuwai bawu likimba vi u reve tsu vi. ² Aje a va aza ɗa ma ciga, gogo-na atsu mmuku n Kashila n ɗa, kɓam kotsu u wenike tsu ve ili i'ya tsa woko wa, Kawauwi ka gono baci. Shegai tsu reve ta Kawauwi ka gono baci, tsa woko ta tyoku u ne, kpaci tsa wene yi ta tyoku ɗa wari mayun. ³ Gba aza ɗa a wushuki n ukuna u na vi, a ka zuwa ta kaci ka le a rongo uwulukpi tyoku ɗa Kawauwi kari uwulukpi.

⁴ Uza ɗa baci u yain unyushi u cingi, mele ma Kashila ma u pasai, kpaci uyan u unyushi u cingi dere ɗa wari n kushulu n Kashila n mele ma ne. ⁵ I reve ta an Kawauwi ka tuwai u takpa unyushi u cingi, kpaci wa n unyushi u cingi wa. ⁶ Adama a nala, uza ɗa baci wa rongo kaɓolo n eyi, wa lya kelime n uyansa unyushi u cingi wa. Shegai uza ɗa baci u lyai kelime n uyansa u unyushi u cingi, kotsu u wene yi wa kɓam u reve yi wa.

⁷ Mmuku n va, kotsu i asaka uza u yinsa da a kaci ka ukuna u na vi wa: ama a ka wenike baci uma u shinga, aza a uma u shinga a da tyoku da Kawauwi kari. ⁸ Gba uza da baci wa yansa unyushi u cingi, uza u Kalapansi da, kpaci Kalapansi ka gita ta uyansa u unyushi u cingi tun a kagita. Adama a nala a da Maku ma Kashila ma tuwai tsara u cimbusa manyan ma Kalapansi. ⁹ Aza da baci a'ari mmuku n Kashila a ka fuda a ka lya kelime n uyansa u unyushi u cingi wa, kpaci u naka le ta uma u savu. An u wokoi Kashila ka Tata u le, a ka lya kelime n uyansa u unyushi u cingi wa. ¹⁰ Adama a nala, tsa wene ta ko ya maku ma Kashila, n ko ya kpam maku ma Kalapansi. Uza da baci dem bawu wa rongo n uma u shinga, maku ma Kashila ma wa, nala dem uza da bawu wa ciga utoku u ne.

Cigai atoku a de

¹¹ Udani u na u te u da n u da i'ari i gitai i panai vi: tsu cigi atoku a tsunu. ¹² Kotsu i woko tyoku u Kayinu wa, uza u uza u cingi vi u da, aku u wunai vangu u ne. Ndya i zuwai u wuna yi? Kpaci ili i'ya Kayinu yain i gan wa, ili i'ya kpam vangu u ne u yain i'ya i lobono ta. ¹³ Aje a va, kotsu i yain majiyan an ama a likimba a ka kovo da wa. ¹⁴ Uciga u atoku a tsunu, wa wenike ta an tsu pasamgbantai ukpa ubana a uma. Uza da baci bawu wa wenike uciga nala, u buwa ta a asuvu a ukpa. ¹⁵ Uza da baci dem wa kovo utoku u ne, kawuni ka uma u vuma gbani ka. Kpam i reve ta aza da a ka wunusa uma u ama gbani, a'a n uma u da bawu wa kotso a asuvu a le wa.

¹⁶ Tyoku da tsa reve uciga vi wari u da na: Kawauwi ka neke ta uma u ne adama a tsunu. Adama a nala atsu dem u kana ta tsu neke uma u tsunu adama a atoku a tsunu. ¹⁷ A dana uza roku wa n utsari, aku u wenei uza roku uza da bawu wari n ili kpm u banga yi wa. Vuma nala uciga u Kashila wa a asuvu a ne wa. ¹⁸ Mmuku, tsu tsu wenike ta atoku uciga mayun a asu u ubanga le, shegai tsu yain kadyanshi ka ubanga u le koshi wa. ¹⁹ Tsa ciga baci atoku, tsu reve ta an tsari a asuvu a ukuna u mayun, kpm asuvu a tsunu a ka dusuku ta a asu u Kashila. ²⁰ Kpm ko asuvu a tsunu a dusuku baci wa adama a uwono, Kashila ka la ta atakasuvu a tsunu kpm u reve ta ko ndya wa.

²¹ Aje a va, asuvu a tsunu a dusuku baci, tsa fuda ta tsa shamgba a kapala ka Kashila bawu uwonvo. ²² Wa naka tsu ta i'ya baci dem tsu wecikei, kpaci tsa tono yi ta kpm tsa yansa ili i'ya ya zuwa yi u pana kayanyan. ²³ Ili i'ya Kashila ka danai i'ya na: Tsu wushuku n Maku ma ne Yesu Kawauwi, kpm tsu cigi atoku a tsunu. Nala dem Yesu wenishike tsu tsu yain. ²⁴ Aza da a ka pana kadyanshi ka Kashila, a asuvu a ne a da a ka rongo, eyi kpm a asuvu a le. Tsu reve ta Kashila kari a asuvu a tsunu adama a Kulu Keri ku ne ka u naka tsu.

4

Awenishiki a kaƙan

¹ Aje a va aza da ma ciga, gba uza da danai wa ta n Kulu Keri ku Kashila da ya wushuku n eyi wa. Kondo le i wene ko a asu u Kashila da ku wutai. Ntsumate n kaƙan n uwa de a likimba ushani.

² Tyoku da ya reve Kulu Keri ku Kashila u da na:

uza ɗa baci dem u danai Kawauwi ka tuwa ta a likimba n ikyamba i vuma, vuma u nala vi a asu u Kashila ɗa u wutai. ³ Uza ɗa baci dem bawu u wushuki n ukuna u na vi, wari n Kulu ku Kashila wa. Kulu ku nala ku utokulalu u Kawauwi ka, uza ɗa i panai wa tuwa a likimba vi kpam gogo-na u tuwa de.

⁴ Mmuku n va, eda aza a Kashila a ɗa, kpam i lya ta kaci ka atokulalu a ne. Kulu Keri ku Kashila ka ta a asuvu a de, kpam u la ta uza ɗa wari a likimba ucira. ⁵ Atokulalu a nala yi a tsu yan ta kadyanshi ka ili i likimba, aza a likimba kpam a tsu pana ka le ta, kpaci ele aza a likimba a ɗa. ⁶ Shegai atsu aza a Kashila a ɗa, ɗa gai i zuwai aza ɗa a revei Kashila a tsu pana ka tsu vi. Ama a Kashila a ɗa baci a'ari wa, a ka pana ka tsu wa. Nala tsu tsu reve ko uza wari n kulu ku mayun ko ku kaɓan.

Uciga u Kashila ara tsunu

⁷ Aje a va, asaka tsu cigamgbantai, kpaci uciga a asu u Kashila u ɗa u wutai. Uza ɗa baci dem wa ciga atoku, maku ma Kashila ma, kpam u reve ta Kashila. ⁸ Uza ɗa kpam bawu wa ciga atoku, u reve Kashila wa, kpaci Kashila uciga u ɗa. ⁹ Kashila ka wenike tsu ta uciga u ne an u suki Maku ma te ma ne koshi a likimba tsara tsu tsara uma. ¹⁰ Uciga u ukuna u mayun u ɗa la vi. Atsa tsa ciga Kashila wa, shegai aya wa ciga tsu hal u suki Maku ma te ma ne ma woko uɗaraka u ɗa wa cimbusa unyushi u cingi u tsunu. ¹¹ Aje a va, an u wokoi Kashila ka ciga tsu nala, atsu dem u kana ta tsu cigi atoku a tsunu. ¹² Uza wa la kotsu u wenei Kashila wa, shegai tsa ciga baci atoku a tsunu, Kashila ka ta

kaɓolo n ātsu ubana. Uciga u ne kpam u shad̄angu a asuvu a tsunu tyoku ɗa u gain u woko.

¹³ Kashil̄a ka nākā tsu tā Kulu Keri ku ne. Da gai i zuwai tsu revei an tsari kaɓolo kpam ili i te n eyi vi, tyoku ɗa eyi wari kaɓolo kpam ili i te n ātsu. ¹⁴ Tata suku tā Maku ma ne ma woko uza ɗa wa wauwa likimba, tsu wene yi tā kpam gogo-na ātsa na tsa tonusuko ama ukuna u ne. ¹⁵ Uza roku u dana baci Yesu Maku ma Kashil̄a ma, wā tā kaɓolo kpam ili i te n Kashil̄a, Kashil̄a kpam kā tā kaɓolo kpam ili i te n eyi. ¹⁶ Tsu reve tā tyoku ɗa Kashil̄a ka ciga tsu cika, kpam tsu pityanangu tā n eyi.

Kashil̄a uciga u ɗa. Tsu lya baci kelime n uciga atoku a tsunu, tsa woko tā kaɓolo kpam ili i te n Kashil̄a, eyi kpam wa woko tā kaɓolo kpam ili i te n ātsu. ¹⁷ Tsa ciga baci atoku mayun hal tsa rongo tyoku ɗa Kawauwi ka rongoi a likimba u na, tsa pana uwonvo kain ka afada wa. ¹⁸ Uwonvo wā pini a uciga wa, uciga u mayun u tsu takpa tā gbā uwonvo. Uza wa pana baci uwonvo, an u wokoi wa yawunsa yavu a ka yan yi mavura ɗa. Uza pana baci uwonvo, uciga u Kashil̄a u shad̄angu asuvu a ne tyoku ɗa u gain wa.

¹⁹ Kashil̄a ka ka git̄ai ka ciga tsu, ɗa gai i zuwai tsa wenike dem uciga vi. ²⁰ Ama a ka dansa baci, “Ma ciga tā Kashil̄a,” shegai aku a ka kovo atoku a le, a woko tā aza a kaɓan. Aza ɗa bawu a ka ciga ama a le aza ɗa a ka fud̄a a ka wene, a ka fud̄a dem a ka ciga Kashil̄a wa, uza ɗa gbām bawu a ka wene. ²¹ Kashil̄a ka tonuko tsu tā kadyanshi ka na ki: aza ɗa a ka ciga Kashil̄a, u kānā tā a cigi atoku a le.

5

Ulya u kaci u tsunu n likimba

¹ Gb̄a uza ɗa baci wushuki Yesu Kirisiti Kawauwi ka, vuma u nala vi maku ma Kashil̄a ma. Kpam uza ɗa baci wa ciga Tata, wa ciga t̄a la vi mmuku n ne. ² Tyoku ɗa tsa reve an tsa ciga mmuku n Kashil̄a u ɗa na: tsu cigi Kashil̄a kpam tsu pana udani u ne. ³ Uciga u Kashil̄a u ɗa tsu pana udani u ne, kpam udani vi u wuyana utono wa. ⁴ Maku ma Kashil̄a dem ma lya t̄a kaci ka likimba, kpam upityanangu u tsunu u ɗa u tsu n̄aka tsu ulya u kaci u nala vi. ⁵ Ya wa lya kaci ka likimba? She uza ɗa u wushuki Yesu Maku ma Kashil̄a ma.

Kadyanshi a kaci ka Yesu Kawauwi

⁶ Yesu Kawauwi aya u tuw̄ai n mini ma ne n̄a mpasa ma ukp̄a n ne. N mini ma u tuw̄ai koshi wa, shegai gb̄a n mini mi kaɓolo n̄a mpasa. Kulu ku dana t̄a dem ukuna u na vi mayun ɗa, kpaci Kulu ki mayun ɗa. ⁷ Ili i tatsu i na yi i wenike tsu t̄a ukuna u mayun a kaci ka Yesu, ⁸ i'ya: Kulu, n mini, n̄a mpasa, kpam kadyanshi ka te ka a yain. ⁹ Tsu tsu wushuku t̄a n ama a'ayin a ɗa baci a danai ukuna w̄a t̄a mayun, shegai ili i'ya Kashil̄a ka danai i tsu la t̄a ucira, kpam u yanka tsu t̄a kadyanshi ka mayun a kaci ka Maku ma ne. ¹⁰ Uza ɗa baci u wushuki n Maku ma Kashil̄a, u reve t̄a la vi ili i'ya Kashil̄a ka danai a kaci ka Maku ma ne mayun ɗa. Shegai uza ɗa baci bawu u wushuki n ili i'ya Kashil̄a ka danai mayun ɗa, u woko ɗe dere n u'isa Kashil̄a uza u kaɓan. ¹¹ Ili i'ya Kashil̄a ka tonuko tsu i'ya na: Kashil̄a ka n̄aka tsu t̄a uma u

ɗa bawu wari n utyoku, Maku ma ne ma kpam ma zuwai uma vi u yain. ¹² Uza ɗa baci wari n Maku mi, wa ta n uma. Uza ɗa baci bawu wari n Maku ma Kashila, wa n uma wa.

Uma u da bawu wari n utyoku

¹³ Eda aza ɗa i wushuki n Maku ma Kashila eda ma koronku, tsara i reve an i'ari n uma u da bawu wari n utyoku. ¹⁴ Tsa fuda ta tsa tuwa a asu u Kashila bawu uwonvo, an tsu revei tsu folo yi baci ili i'ya u wushuki n i'ya, wa pana ka tsu ta. ¹⁵ U tsu pana ka tsu ta a'ayin a da baci dem tsu folo yi, tsu reve ta kpam u tsu naka tsu ta ili i'ya baci dem tsu folo yi.

¹⁶ Vu wene baci katoni ka ka yan unyushi u cingi u da bawu wa zuwa ukpa, vu yanka yi kvasu tsara Kashila ka naka yi uma. Aza da bawu unyushi u cingi u le wa zuwa ukpa, alya ma dansaka pini na vi. Unyushi u cingi u da pini u da wa zuwa ukpa, shegai ma zuwa da i yain kvasu ubana a asu u Kashila a kaci ka ama da a ka yansa unyushi u nala vi wa.* ¹⁷ A'ayin a da baci dem i yain ukuna u cingi, unyushi u da. Shegai gba unyushi u cingi u da u tsu zuwa ukpa wa.

¹⁸ Tsu reve ta aza da a'ari mmuku n Kashila a tsu lya kelime n uyansa u unyushi u cingi wa. Maku ma Kashila ma tsu kirana ta n ele, adama a nala uza u cingi vi u tsu sawa le wa.

¹⁹ Tsu reve ta an tsari ama a Kashila, shegai uza u cingi vi aya wa lya tsugono tsu likimba gba.

* **5:16** Unyushi u da u tsu zuwa ukpa wa woko ta ukpada u uwushuku an Yesu Kawauwi ka, kpam n ukpada u uciga atoku. She uza u unyushi vi u kpatala, aku u tsara ucimbusuka u unyushi vi.

²⁰ Tsu reve ta an Yesu Kawauwi Maku ma Kashila u tuwai kpam u wenike tsu Kashila ka mayun. Tsa ta kabolo n Kashila mayun an tsari kabolo n Maku ma ne Yesu Kawauwi. Aya Kashila ka mayun uza da u tsu naka uma bawu utyoku.

²¹ Mmuku n va, banai dan n ameli.

**Kazuwamgbani ka savu n Tsikimba n a6on a
da a dangasai a kazuwamgbani ka cau
New Testament in Tsikimba (NI:kdl:Tsikimba)**

copyright © 2010 Wycliffe Bible Translators, Inc.

Language: Tsikimba

Translation by: Wycliffe Bible Translators, Inc.

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Tsikimba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 11 Nov 2022 from source files
dated 29 Jan 2022

a4f6a28b-3d6d-50b4-a81b-06ae05a66010